

Član 2.

Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-902/03 Predsjedavajuća Gradskog
24. septembra 2003. godine vijeća prof. dr. **Mira Jadrić**
Sarajevo **Winterhalter, s. r**

Na osnovu člana 24. Statuta Grada Sarajeva ("Službene novine Kantona Sarajevo", broj 12/98) i člana 4. tačka 2. Odluke o osnivanju Stambenog fonda Grada Sarajeva ("Službene novine Kantona Sarajevo", broj 25/00), Gradsko vijeće Grada Sarajeva na sjednici održanoj 24. septembra 2003. godine, donosi

ODLUKU

**O RAZRJEŠENJU ČLANA UPRAVNOG ODBORA
STAMBENOG FONDA GRADA SARAJEVA**

I

KRUNOSLAV RASPUDIĆ razrješava se, na vlastiti zahtjev, dužnosti člana Upravnog odbora Stambenog fonda Grada Sarajeva.

II

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-901/03 Predsjedavajuća Gradskog
24. septembra 2003. godine vijeća prof. dr. **Mira Jadrić**
Sarajevo **Winterhalter, s. r**

Gradonačelnik

Na osnovu člana 123. stav 1. i člana 144. Zakona o srednjem obrazovanju ("Službene novine Kantona Sarajevo", br. 11/98, 9/00 i 18/02), gradonačelnik Grada Sarajeva donosi

ODLUKU

**O DAVANJU SAGLASNOSTI ZA IMENOVANJE
DIREKTORA JAVNE USTANOVE "SREDNJA
MUZIČKA ŠKOLA, SARAJEVO"**

Član 1.

Daje se saglasnost Upravnom odboru Javne ustanove "Srednja muzička škola, Sarajevo", da se gđa. EMINA DUBRAVIĆ imenuje za direktora škole.

Član 2.

Ova odluka će se objaviti u "Službenim novinama Kantona Sarajevo".

Broj 01-38-3465/03 Predsjedavajuća Gradskog
23. septembra 2003. godine vijeća prof. dr. **Mira Jadrić**
Sarajevo **Winterhalter, s. r**

OPĆINA CENTAR

Općinsko vijeće

Na osnovu člana 29. Zakona o lokalnoj samoupravi ("Službene novine Kantona Sarajevo" broj 22/00), čl. 7. i 10. Statuta Općine Centar Sarajevo ("Službene novine Kantona Sarajevo", broj 10/02), čl. 7. i 23. Zakona o prostornom uređenju ("Službene novine Federacije BiH", broj 52/02), čl. 40. i 56. Zakona o prostornom uređenju Kantona Sarajevo ("Službene novine Kantona Sarajevo", br. 13/99, 19/99, 24/01 i 32/01), Općinsko vijeće Centar Sarajevo, na Trideset šestoj redovnoj sjednici održanoj 23. septembra 2003. godine, donosi

**URBANISTIČKI PROJEKAT
"NARODNO POZORIŠTE"**

Član 1.

Donosi se Urbanistički projekat "Narodno pozorište" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

1. Stanje područja planiranja,
2. Odnos prema planu višeg reda,
3. Postojeće stanje,
4. Prostorna organizacija - obrazloženje
5. Odluka o provođenju U.P. "Narodno pozorište"

Grafički dio sadrži:

1. Faza urbanizam - prezentiran na odgovarajućem broju tematskih karata i to:
 - Ažurna geodetska podloga 1:500,

- Katastar podzemnih instalacija 1:500,
- Postojeće stanje - spratnost i katastar objekata 1:500,
- Prostorna organizacija - parterno rješenje 1:500
- Osnova prve podzemne etaže 1:500,
- Osnova druge podzemne etaže 1:500,
- Osnova treće podzemne etaže 1:500,
- Karakteristični presjek A-A 1:250,
- Mreža građevinskih i regulacionih linija 1:500,
- Namjena površina 1:500,
- Aksonometrija.

2. Faza gasifikacije - toplifikacije
3. Faza elektroenergetike i javne rasvjete
4. Faza saobraćaja
5. Faza komunalne hidrotehnike
6. Elaborat "Analiza okolinskih aspekata za izgradnju garaže "Narodno pozorište"
7. Elaborat o inženjersko-geološkim i geomehaničkim karakteristikama tla na lokaciji za izgradnju podzemne garaže kod Narodnog pozorišta u Sarajevu.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Centar Sarajevo i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-4946/03 Predsjedavajući Općinskog
23. septembra 2003. godine vijeća prof. dr. **Husein**
Sarajevo **Kulenović, s. r.**

Na osnovu člana 29. Zakona o lokalnoj samoupravi ("Službene novine Kantona Sarajevo", broj 22/00), čl. 7. i 10. Statuta Općine Centar Sarajevo ("Službene novine Kantona Sarajevo", broj 10/02), čl. 7. i 23. Zakona o prostornom uređenju ("Službene novine Federacije BiH", broj 52/02), čl. 40. i 56. Zakona o prostornom uređenju Kantona Sarajevo ("Službene novine Kantona Sarajevo", br. 13/99, 19/99, 24/01 i 32/01), Općinsko vijeće Centar Sarajevo, na Trideset šestoj redovnoj sjednici održanoj 23. septembra 2003. godine, donosi

ODLUKU

O PROVOĐENJU URBANISTIČKOG PROJEKTA "NARODNO POZORIŠTE"

Član 1.

Ovom odlukom utvrđuje se provođenje Urbanističkog projekta "Narodno pozorište" (u daljem tekstu: Plan), a naročito granice prostorne cjeline i granice površina predviđenih namjena, urbanističko-tehnički uvjeti za izgradnju građevina, uređenje građevinskog zemljišta, privremeno korištenje površina, uređenje zelenih i slobodnih površina, odnosi prema postojećim građevinama kao i djelatnosti i uvjeti pod kojim se pojedine djelatnosti mogu obavljati u objektima i površinama.

Član 2.

Granica obuhvata Plana počinje od tromede parcela k.č. 2069, 2067 i 2120 (ulica Branilaca Sarajeva), ide na jugozapad međama parcela k.č. 2067, 2068, 2069, 2074 i 2076 (obuhvata ih), izlazi na ulicu obala Kulina Bana koju presijeca k.č. 2122/1 i izlazi na rijeku Miljacku k.č. 3823/1 kojom nizvodno produžava na zapad (ide osovinom rijeke) i dolazi do mosta Čobanija, lomi se idući u pravcu sjevera ulicom Kulovića k.č. 2082 (ide osovinom ulice) i dolazi do njenog raskršća sa ulicom Branilaca Sarajeva k.č. 2120/1 kojom produžava na istok (ide njenom osovinom) i dolazi do tromede, odnosno mjesta odakle je opis granice obuhvata Plana i počeo.

Sve naprijed navedene parcele nalaze se u K.O. Sarajevo IV.

Ukupna površina područja planiranja iznosi 2,05 ha.

Član 3.

U sklopu obuhvata ovog plana definisane su zone sa sljedećim namjenama:

- A. Društvena infrastruktura (pozorište)
- B. Saobraćajna infrastruktura (podzemna garaža)
- C. Stambeno-poslovna zona

A. Društvena infrastruktura (pozorište) obuhvata područje čija granica počinje sa tačke broj 1 koja se nalazi na međi između parcela k.č. 2082 i 2081/2 udaljenoj od jugoistočnog ishodišta lista R= 1:1000 broj 148 po y=298 m a po x=60 m, lomi se idući na istok u pravoj liniji i dolazi do tačke broj 2 koja se nalazi na parceli k.č. 1081/02, udaljenoj od jugoistočnog ishodišta lista R=1:1000 broj 148 po y=245 m, a po x=61,5 m, lomi se idući u pravcu juga u pravoj liniji i dolazi do tačke broj 3 koja je udaljena od jugoistočnog ishodišta lista R= 1:1000 broj 148 po y=243 m a po x=2 m, produžava na jugozapad idući uz trotoar ulice Obala Kulina Bana (obuhvata ga) i dolazi do raskršća ulica Obala Kulina Bana i Kulovića, skreće idući u pravcu sjevera uz trotoar ulice Kulovića k.č. 2082 (obuhvata ga) te dolazi do tačke broj 1 odnosno mjesta odakle je opis granice Društvene infrastrukture (pozorište) i počeo.

Sve naprijed navedene parcele nalaze se u K.O. Sarajevo IV.

Ukupna površina obuhvata iznosi 0,34 ha.

B. Saobraćajna infrastruktura (podzemna garaža) obuhvata područje čija granica ide od tačke broj 1 koja se nalazi na međi između parcela k.č. 2082 (ulica Kulovića) i 2081

udaljenoj od jugoistočnog ishodišta lista R= 1:1000 broj 148 po y=298 m a po x=60 m, ide u pravcu sjevera u pravoj liniji te dolazi do tačke broj 2 koja je udaljena od jugoistočnog ishodišta lista R= 1:1000 broj 148 po y=298 m a po x= 86,5 m, lomi se idući na istok u pravoj liniji te dolazi do tačke broj 3 koja je udaljena od jugoistočnog ishodišta lista R= 1:1000 broj 148 po y=235 m a po x=89 m, produžava pod pravim uglom na sjever idući u dužini od 2 m, skreće na istok idući pod pravim uglom u dužini od 26 m i dolazi do tačke broj 4 koja je udaljena od jugoistočnog ishodišta lista R= 1:1000 broj 148 po y= 209 m a po x= 92,5 m, lomi se idući u pravcu juga u pravoj liniji te dolazi do tačke broj 5 koja je udaljena od jugoistočnog ishodišta lista R= 1:1000 broj 148 po y=206 a po x=4,5 m, nastavlja na zapad idući u pravoj liniji i dolazi do tačke broj 6 koja je udaljena od jugoistočnog ishodišta lista R= 1:1000 broj 148 po y=245 m a po x= 61,5 m a po x= 61,5 m, nastavlja u pravoj liniji na zapad te dolazi do tačke broj 1 odnosno mjesta odakle je opis granice Saobraćajne infrastrukture (podzemna garaža) i počeo.

Sve naprijed navedene parcele nalaze se u K.O. Sarajevo IV.

Ukupna površina obuhvata iznosi 0,47 ha.

- C. Stambeno-poslovna zona obuhvata područje čija granica polazi od tromede parcela k.č. 2067, 2120/1 (ulica Branilaca Sarajeva) i 2059 te ide na jugozapad međama parcela k.č. 2067, 2068, 2069, 2074 i 2076 (obuhvata ih) i dolazi do tromede parcela k.č. 2076, 2077 i 2122 (ulica Obala Kulina Bana), ide u pravcu juga u pravoj liniji i dolazi do tačke broj 1 koja je udaljena od jugoistočnog ishodišta lista R= 1:1000 broj 148 po y= 185 m a po x=5,5 m, lomi se idući na zapad u pravoj liniji te dolazi do tačke broj 2 koja je udaljena od jugoistočnog ishodišta lista R= 1:1000 broj 148 po y= 206 m a po x= 4,5 m lomi se idući u pravoj liniji na sjever te dolazi do tačke broj 3 koja je udaljena od jugoistočnog ishodišta lista R= 1:1000 broj 148 po y=209 m a po x= 92,5 m, produžava u istom pravcu na sjever i izlazi na ulicu Branilaca Sarajeva k.č. 2120/1 kojom nastavlja na sjeveroistok idući uz trotoar i dolazi do tromede odnosno mjesta odakle je opis granice i počeo. Sve naprijed navedene parcele nalaze se u K.O. Sarajevo IV.

Ukupna površina obuhvata iznosi 0,72 ha.

Član 4.

Urbanističko-tehnički uvjeti za izgradnju građevina:

- Realizacija svih građevina i zgrada unutar granica iz člana 2. ove odluke vrši se na građevinskom zemljištu ograničenom regulacionom i građevinskom linijom.
- Građevinska linija utvrđuje prostor na kome je dozvoljeno lociranje i izgradnja zgrada.
- Maksimalne visine zgrada utvrđene ovim planom se ne mogu mijenjati.
- Arhitektonski objekti predviđeni za izgradnju ovim planom moraju biti oblikovani i građeni od suvremenih materijala.
- Uredaji i instalacije koji su u funkciji tehnološkog procesa normalnog rada objekta podzemne garaže trebaju se smjestiti u okviru osnovnog gabarita arhitektonskog objekta.
- Nivelaciona kota partera - trga je min. 15 cm iznad kote kolske saobraćajnice
- Arhitektonski objekti predviđeni za izgradnju ovim urbanističkim projektom moraju biti projektirani i izvedeni prema uvjetima predviđenim za 8^o MCS skale.
- Prije izdavanja dozvole za građenje arhitektonskih objekata potrebno je pribaviti detaljan geološko-inženjerski nalaz i uvjete temeljenja za ove radove od ovlaštene

institucije, te obezbjeđenja stabilnosti postojećih objekata.

- Prelazi preko ulica, prilazi objektima i druge pješačke površine moraju se projektirati i izvesti na način da ih mogu koristiti lica u invalidskim kolicima i invalidna lica otežanog kretanja.
- Izgradnja objekata vrši se na osnovu idejnog projekta koji je sastavni dio ovog plana.

Član 5.

Objekat unutar granica iz člana 3. A, ove odluke (Narodno pozorište) moguće je sanirati i rekonstruisati pod uvjetom da se izradi i usvoji projekat od strane Zavoda za zaštitu kulturno-historijskog i prirodnog naslijeđa Sarajevo.

Član 6.

Illuminacija objekta unutar granica iz člana 3. A ove odluke moguća je u cilju isticanja arhitektonsko - oblikovnih vrijednosti objekta.

Član 7.

Uređenje građevinskog zemljišta se vrši na osnovu člana 66. Zakona o prostornom uređenju ("Službene novine Kantona Sarajevo", broj 13/99).

Član 8.

Izgradnja građevina unutar granica iz člana 3.B ove odluke ne može se započeti prije izrade (izvedbene dokumentacije) projekta građevinske jame i projekta zaštite okolnih objekata.

Član 9.

Izgradnja građevina unutar granica iz člana 3. B ove odluke se ne može započeti prije izmjestačenja podzemnih infrastrukturnih instalacija i obezbjeđenja istih u svrhu normalnog odvijanja funkcija i potreba okolnih objekata i građana.

Član 10.

Unutar granica opisanih u članu 3. B ove odluke postavljanje privremenih objekata se ne može odobriti izuzimajući za potrebe gradilišta i postavljanja scene prilikom održavanja kulturnih manifestacija (otvaranje Sarajevske zime, Nova godina i sl.).

Član 11.

Privremeni objekti postavljeni za potrebe gradilišta moraju se ukloniti prije tehničkog prijema arhitektonskog objekta.

Član 12.

Privremeni objekti (scene, nadstrešnice i sl.) za potrebe kulturnih manifestacija moraju biti montažno - demontažni i moraju biti uklonjeni odmah nakon završetka pomenutih događanja.

Član 13.

Natkrivanje protupožarnih i pješačkih vertikala kao i ulazno - izlaznih kosina iz objekta podzemne garaže mora biti lakom i transparentnom konstrukcijom (jedraste membrane, staklo PVC folija i sl.).

Član 14.

"Zidovi" protupožarnih i pješačkih vertikala mogu se iskoristiti kao reklamni i info punktovi.

Reklamni i info stupovi se ne mogu postavljati na površinama unutar granice iz člana 3.B ove odluke.

Član 15.

Veće slobodne površine na fasadama arhitektonskih objekata mogu se koristiti za isticanje firmi, reklamiranje obavještavanje i druge segmente vizualnih komunikacija, pod uvjetom da se za ove potrebe izradi i usvoji projekat izgleda cjelokupne fasade na koju se postavljaju gore navedeni elementi.

Član 16.

Uređenje zelenih površina u okviru pojedinih namjena iz člana 3.B ove odluke mora se izvršiti prije tehničkog prijema arhitektonskih objekata.

Član 17.

U objektima unutar granice opisane u članu 3.C ove odluke moguće je osposobljavanje, odnosno pretvaranje prizemlja postojećih stambenih objekata u poslovne prostore, pod uvjetom da se za ove potrebe izradi i usvoji projekat.

Član 18.

Prizemlja iz člana 17. ove odluke mogu se pretvarati samo u prostore komercijalne djelatnosti, odnosno atraktivne sadržaje kao što su: galerije, knjižare, ekspoziture kompanija, ugostiteljske objekte (nacionalni restorani, kaffe galerije, pabove i sl.)

Član 19.

Vertikalni i horizontalni gabariti objekata unutar granice opisane u članu 3.C ove odluke se ne mogu mijenjati.

Član 20.

Idejni projekat izrađen za potrebe ovog urbanističkog projekta može se mijenjati samo po zahtjevu konkretnih investitora u cilju zadovoljenja tehnoloških potreba zahtijevanog sadržaja, ali unutar građevinskih linija utvrđenih ovim urbanističkim projektom.

Član 21.

Otvora se mogućnost da ukoliko se pojave investitori za izgradnju podzemne garaže, a u skladu sa Projektom, budu obavezni realizirati garažu uz odgovarajuću dokumentaciju koja će obezbijediti sigurnost postojećih objekata i rentabilnost izgradnje.

Član 22.

Odobrenje za izgradnju garaže može se izdati na osnovu urbanističkog rješenja koje je izrađeno po sadržaju i metodologiji Urbanističkog projekta, a verifikovano od strane nadležnih općinskih organa. Nadležni općinski organ, prije ovjere urbanističkog rješenja dužan je konsultirati Zavod za planiranje razvoja Kantona.

Član 23.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01
23. septembra 2003. godine
Sarajevo

Predsjedavajući
Općinskog vijeća
prof. dr. Husein Kulenović, s. r.

Na osnovu čl. 9., 29. i 31. Zakona o lokalnoj samoupravi ("Službene novine Kantona Sarajevo", br. 19/97 i 14/00) i člana 10. Statuta Općine Centar Sarajevo ("Službene novine Kantona Sarajevo", broj 10/02), Općinsko vijeće Centar Sarajevo, na Trideset šestoj redovnoj sjednici održanoj 23. septembra 2003. godine, donijelo je

ODLUKU

**O OSNIVANJU STRUČNE SLUŽBE ZA POSLOVE
OPĆINSKOG VIJEĆA CENTAR SARAJEVO**

I - OSNOVNE ODREDBE

Član 1.

Ovom odlukom osniva se Stručna služba za poslove Općinskog vijeća Centar Sarajevo i bliže se utvrđuju zadaci, organizacija i rad Službe, rukovođenje Službom, načela unutrašnje organizacije i ostvarivanje prava, obaveza i odgovornosti službenika u Službi.